

# Mariuschla Valier, Camischolas-Sedrun

27.11.92



En l'jamna dils 2-7 d'october ein las duas soras Castgina e Mariuschla suandadas ina l'autra e han bandunau la dimora terrestre. Ellas ein spartidas en cardientscha e speronza da retscheiver la beadianscha perpetna.

Miu intent ei da clamar en memoria las staziuns terrestras che Mariuschla ei ida (per nus da Rabius-Cavivens ei ella stada l'onda Nuschla). Naschida ils 26 da settember 1908 a Camischolas fuva

ella la giuvna cun aunc duas soras Castgina e Maria. Ils geniturs ein stai Rest Valentin ed Onna Maria Valier-Huonder. Cu il bab ei morts veva la pintga Mariuschla mo 8 meins. Da gliez temps fuva malcostas ina prigulusa malsogna e cons ferms umens han stuiu bandunar la famiglia, ed en auters cass era mummas. La sort ha destinau che la viewa Anna Maria ha nutriu ed educau persula las treis buobas en la sempladad da pli baul. Finidas las classas da siu vigett, da gliez temps dil tuttafatg puril, ha era Mariuschla stuiu magliar paun jester cun 7 crustas. Ella fa la valischa e va sur cuolm e seferma ad Andermatt. Pli tard pren ella l'autra direcziun e gudogna ils paucs raps da lu a Cuera.

Igl onn 1936 marida la sora Maria cun Sep Maria Maissen da Rabius, banduna Camischolas e secasa a Rabius-Cavivens en casa paterna dil mariu. Da quella lètg neschan 3 buobas ed in buob. Igl onn 1944 tier la naschienttscha dalla pintga Benedicta miera la mumma Maria e lai anavos en tristezia e pitgira il mariu cun 4 affonets.

Danovamein fa la sora Mariuschla la valischa per serender a Rabius. Ella remplazza la mumma dils affons miez orfans e leu resta ella 26 onns. Mariuschla ei pertscharta dil buordi e l'obliazion che schai sin sia schuiala. Ella educheschcha e fa bien, ei sostegn per siu

quinau e schenghegia carezia e quitaui als affons ad ella confidant.

Danovamein sestgirenta igl idil familiar ch'ella veva scaffiu. Il settember 1956 miera il tierz affon, la buoba Ervina cun mo 14 onns d'ina disgrazia. Ina nova dolorusa plaga sesarva e betta las rodas ord il binari. Mo tutta encarschadetgna per la cara Ervina nezegian nuot, la veta va vinavon.

Cu ils onns da pensiun ein arrivai ed ils affons ad ella confidai carschi, ha era la buna onda Nuschla astgau patertgar vid ella. Igl onn 1970 tuorna ella en sia cara patria tuatschina en l'atgna casa a Camischolas e gauda leu ina biala sera dalla veta. Las niazas e nevs da Rabius han mai emblidau la buna onda; stedias visetase agid han buca muncau. En quest liug hai en num dad els d'engraziar grondamein cun in Dieus paghi alla vischina Anna Maria Flury per quitaui e carezia enviers la defuncta.

Avon 2 onns ha ina attacca dil cor pretendiu tgira urgenta. Ella ei serendida a Sedrun en casa s. Vigeli, nua ch'ella ha gudiu buna tgira. Paucs dis ha ella surviviu el spital. Ils 7 d'october ha igl aunghel dalla mort priu la survienta pil maun e liberau ella da tut mal terrester.

Per tut bien prestau vegli il Segner dar ad ella la pagaglia meritada.

L'anteriura vischina M.B.

## **Maria Ursula Valier, Camischolas**



Ils 7 d'october 1992 ha il Segner clamau sia survienta Mariuschla tier el a casa. Ils zenns da s. Vigeli han annunziau la mort dalla defuncta a vischinis e vischinis dalla pleiv. Ella ei spartida da quest mund quater dis suenter la mort dalla sora Castgina Jacomet-Valier. La Mariuschla ei naschida ils 26 da settember 1908 a Camischolas sco feglia dils geniturs Cristian Valentin Valier e Mariuschla nata Hendry. El vitg da Camischolas ha ella passentau ils onns d'affonza, ventireivels onns el ravugl dalla famiglia.

Las scolas ha ella frequentau a Sedrun e silsuenter ha il destin sfurzau la Mariuschla da serender egl jester per gudignar il paun da mintgadi. Il bab ei morts baul ed ei ha dau nuot outras letgas da segidar ton sco pusseivel cun la mumma vieua.

Ventgasiat onns da sia veta ha ella passentau a Rabius. Leu eis ella stada ina buna mumma pils affons da sia sora Maria, ch'ei morta bia memia baul e schau anavos quater affonets. Igl onn 1970, eis ella turnada anavos en la patria e secasada a Camischolas en casa paterna. Igl onn 1990 han las forzas schau suenter ed ella ei stada sfurzada da serender en casa da vegls s. Vigeli. Leu ha ella passentau la sera dalla veta ensemens cun sia sora Castgina. Ella ha astgau guder lil bien quitau e la tgira da nossa casa per nos attempai.

Suenter cuorta maldispostadad e dimora el spital eis ella spartida da quest mund en la biala vegliadetgna dad 84 onns. Ina buna e tgeua femna ha priu comiau da nossa cumionza. Pasch celestia alla Mariuschla.